



Inatsisartunut ilaasortaq Aleqa Hammond  
/MAANI

**Aalisartut piniartullu piujuartitsinissaq tunngavigalugu piniarneq pillugu qanoq paasisaqarnerannik Aleqa Hammondimit Siumumeersumit § 36 naapertorlugu apeqqutinut akissutit, 2010-194**

Sagsnr 2010-039358.  
Dok. Nr. 486584

Postboks 269  
3900 Nuuk

Tlf. (+299) 34 50 00

Fax (+299) 32 47 04

E-mail: [apnn@nanoq.gl](mailto:apnn@nanoq.gl) [www.nanoq.gl](http://www.nanoq.gl)

Inatsisartut suleriaasianni § 36, imm. 1 naapertorlugu Naalakkersuisunut ima apeqquteqarputit:

**Apeqqut:**

Ullumi oktoberip 5-ani aalisarnermut naalakkersuisup tusagassiortunik katersortitsinermini oqaatigaa aalisartut piniartullu nungusaataanngitsumik pisuussutiniq uumassusilinnik atuineq qanoq paasisariaqarnerannik ilisimasaqarnerisut paaserusullugu.

Naalakkersuisut isumaqarpat aalisartut piniartullu tassaasut pisuussutiniq uumassusilinnik atuinermi nungusaataanngitsumik piniarneq aalisarnerlu ilisimangikkaat?

Itisileqqara suna tunngavigalugu aalisarnermut naalakkersuisoq taamatut oqarnerminut tunngavigineraa. Sumi tamanna allassimavara uppernarsarneqarsimallunilu?

**Akissut:**

Naalakkersuisut oktobarip ulluisa tallimaanni tusagassiortunik oqaaseqarninni aalisartut piniartullu oqaatsimik taassuminnga ilisimasaqarnerat malinnerusunneralluunniit apeqquuserniangilluinnarpara.

Oqaaseq "piujuartitsinissamik tunngaveqarluni piniarneq" atorluarneqartarpoq - Naalakkersuisunit Inatsisartuniillu – oqaaserli imartoorujussuusinnaavoq. Uumasooqatigiit ataasiakkaat amerlassusaasa ilaatigut maannatulli ikitsigitiinnarneqarnissaat ilaatigullu amerlatigitiinnarneqarnissaat imaluunniit uumasooqatigiit amerlassusaat qangatut amerliseqqinniarlugit piniarnerup naleqqussarneqarnissaa piujuartitsinissami pineqarnerisooq oqallisigineqarsinnaavoq. Naalakkersuisuniilli kissaatigineqartuassaaq pisuussutiniq uumassusilinnit uumasooqatigiit sapinngisamik amerlanerpaassasut, tassami uumasooqatigiit amerlanerisa kingunerissammassuk aalisartut piniartullu pisuussutiniq pissarsinerpaanissaat.

Aamma uumasogatigiit amerlassusissaattut kissaatigineqartut allanngortinngikkaluarlugit uumasogatigiit pineqartut qanoq amerlatigitinneqarnissaat tassungalu ilanngullugu uumasogatigiit qanoq pisaqarfigineqarsinnaatiginissaat aalajangersagassaavoq.

Taama iliorsinnaajumalluni uumasogatigiinnut pineqartunut aqutsinissamut pilersaarusiortoqassaaq. Sulineq tamanna aallartisaleruttoqpoq kiisalu Pinngortitaleriffimmit uumassusilerinikkut siunnersuisut aammali piujuartitsinissamik tunngaveqarneq pillugu aalisartut piniartullu paasinninnerminnik nalunaaruteqarnerat ilaatinneqartariaqarlutik, tassami qulaani allassimasut naapertorlugit pineqartumi isummat amerlasoorpassuummata. Uumassusilerinikkut siunnersuinissami ilaatigut aalisartut piniartullu pisat annertussusaannik, sumiiffinnik il.il. nalunaarusiortarnerisigut suleqateqarnissaq pisariaqarpoq. Raajarniarnermik aqutsinissamut pilersaarut naammassereerpoq kiisalu aalisakkat allat pillugit sulineq aallartinneqarpoq aallartinneqassalluniluunniit.

Taannaana eqqarsaatigalugu oqaaseqaat isigineqartussaasoq tassaallunilu sammisaq naggataatigut pisassiissutinik aalajangersaasarnermut killiliussivioqataasinnaasoq pillugu inuussutissarsiortut kinguneqarluartumik pingaarnertut oqaloqatigineqarnissaannut kaammattuutaasoq.

Ikinngutinnersumik inuulluaqqusillunga

Ane Hansen